

**KEV TSHAIS RUAM RAWLS LI LEEJ NIAM QHIA YOG TXOJ HAU KEV MEEJ PEM RAU TSOOM TXHEEJ KEEB TIM THAWJ TAUG THIAB COJ YUS HAIV NEEG MUS KOM TXOG RAU LUB NEEJ TSIM TXIAJ.**


Nyob rau hnuab Cim tim 7, Ntuj Hli Poj, Xyoo 12 ntawm Kee Tiam Vaj Lis Thum los yog September 7, 2018, txiv num Tswyeejthawj uas yog tus hau thawj siab kawg ntawm Kev Ntseeg Leej Niam Kee Tiam Vaj Lis Thum tau mus ntsib 3 tug neeg tseem ceeb li pom cov duab hauv qab no uas yog Greg Melton yog tus Landscaping Architect uas design lub zos thiab txhua yam ntaub ntawv mus rau City thiab County, Allan Hoshida uas yog tus design lub Niam Ntuj, tej kiab khw thiab vaj tse, thiab Ken Young uas yog tus project manager. Kev sib ntsib hnuab no yog nyob rau hauv lub nroog Chico ntawm Xeev California thiab tham txog kauj ruam tom ntej rau txoj hau kev ntawm kev nqis tes rau txoj num uas yog rhawv lub Zos Ntuj Hmoov Ntuj.



Txiv Num Tswyeejthawj thiab sawvdaws sab laj txog ntawm lub niam tswv yim los kho daim duab los yog lub zej zem ntawm lub zos ua zaum kawg tias yuav teeb tsa tej vaj tsev, kiab khw thiab txhua yam li cas tiag tiag thiab kom tiav raws li caij nyoog teem tseg ua ntej yuav coj rov mus ntib tsoom nom tswv nyob rau hauv City of Oroville thiab lub Butte County.



Allen uas yog tus Architect yog tus yuav los txua lub Niam Ntuj los yog lub tsev teev hawm ntawd kuj txaus siab kawg rau tes hauj lwm uas nws tau los koom tes zaum no. Nws hais ntxiv tias nov yog ib teg num loj thiab muaj txiaj ntsim heev rau lub zej zos no thiab tsev Hmoov Ntuj. Nws kuj tau nug txiv num Tswvyeejthawj ntau yam txog lub cuam khoov ntawm lub Niam Ntuj no puag ncig tsis hais sab hauv los yog sab nraud ne nws puas paub tias yuav ua li cas tiag. Hau thawj Tswvyeejthawj tau muab cov duab uas txid Vaj Lis Thum kos rau nws saib, nws kuj hais tias yeej pab tau ntau heev ua rau nws pom zim zuag tias lub tsev yuav zoo li cas tabsis tshwj xeeb tiag mas tseem tshuav ntau yam heev uas sawv daws yuav tau zaum ua ke ntxiv kom nws paub tag nrho tias lub tsev yuav zoo li cas tiag mas thiaj zoo nqis tes.



Ntawm 3 tug neeg tseem ceeb no puav leej yog cov uas tuaj yeem sawv cev tes dej num no kom txog hnuv tiav raws lub hom phiaj. Qhov uas lawv tau los nqis tes khiav cov hauj lwm no yog yuav nrog hau thawj Tswvyeejthawj sib tuav tswv yim thiab npaj txhua yam kom tiav los tso ua ke thiab yuav coj mus ntsib tej nom tswv ua zaum kawg. Lawv 4 leeg tau npaj thiab teem caij nyoog tias li cas los xyoo 2018 no mus ti nkaus rau lub Hli Cag Xyoo 13 ntawm KTVLT (April, 2019) ntawd txhua yam yuav tiav lawm vim tias txiv num Tswvyeejthawj twb yeej nrog tsoom nom tswv tham ua ntu zus los txog hnuv no mas luag tsuas tos saib hnuv twg tej ntaub ntawv tiav ces sawv daws rov tuaj zaum ua ke thiab muab kev pom zoo rau lawm xwb.

Sau thiab yees cov duab no los ntawm yawmlaug Npuaglooj Nomneeb Ntxoovcheeb tus uas nrog txiv num Tswvyeejthawj mus koom lub rooj koom txheej tseem ceeb no.